

**Որակի հոշակագիր Հյուրանոցներում և հյուրանոցային տնտեսության օբյեկտներում
հաշվառված զբոսաշրջիկներ**

0 Ընդհանուր տեղեկատվություն վիճակագրական արտադրանքի մասին		
0.1	Անվանումը	Հյուրանոցներում և հյուրանոցային տնտեսության օբյեկտներում հաշվառված զբոսաշրջիկներ
0.2	Ոլորտը	Զբոսաշրջություն
0.3	Պատասխանատու մարմինը, բաժինը, անձը և այլն	Արմստատ Վճարային հաշվեկշռի և արտաքին առևտրի վիճակագրության բաժին Բաժնի պետ Քրիստինե Պողոսյան Հայաստանի Հանրապետություն, 0010, ք. Երևան, Հանրապետության պող., Կառավարական տուն 3 Հեռախոս՝ +374 11 583 995 Էլ. փոստ՝ foreign_trade@armstat.am , info@armstat.am
0.4	Նպատակը և պատմությունը	Օգտագործողներին տրամադրել արդիական տեղեկատվություն հյուրանոցային տնտեսության օբյեկտներում հաշվառված զբոսաշրջիկների, ՀՀ վճարային հաշվեկշռի կազմման աշխատանքներում օգտագործելու նպատակով զբոսաշրջային ծառայությունների, ինչպես նաև ընդհանրապես զբոսաշրջության ծավալների վերաբերյալ:
0.5	Օգտագործողները և կիրառումը	Վիճակագրական տեղեկատվության հիմնական օգտագործողներն են պետական կառավարման և տեղական ինքնակառավարման մարմինները, հասարակական, գիտակրթական, ֆինանսական կազմակերպությունները, գործարար համայնքը, զանգվածային լրատվամիջոցները, միջազգային կազմակերպությունները և այլն: Հյուրանոցային տնտեսության օբյեկտներում հաշվառված զբոսաշրջիկների վերաբերյալ հավաքված տեղեկատվությունը կիրառվում է տնտեսության բնագավառում ռազմավարությունների մշակման, մարտավարական խնդիրների լուծման, զբոսաշրջության վերլուծության, բիզնես միջավայրի վերլուծության, սոցիալական զարգացման միտումների բացահայտման և այլ նպատակներով:
0.6	Տեղեկությունների աղբյուրները	Ցուցանիշի կազմման հիմնական աղբյուրը վիճակագրական հաշվետվություններով իրավաբանական անձանցից եռամսյակային պարբերականությամբ հավաքվող տեղեկատվությունն է:
0.7	Տվյալների հավաքման իրավական	Տվյալները հավաքվում են «Պաշտոնական

	լիազորությունը	վիճակագրության մասին» օրենքի և «Հնգամյա վիճակագրական ծրագրի» հիման վրա, ինչպես նաև ՀՀ վիճակագրության պետական խորհրդի 2016թ. հունիսի 20-ի «Վիճակագրական տվյալների հավաքման կարգը հաստատելու մասին» թիվ 05-Ն և «Տարեկան վիճակագրական ծրագիրը հաստատելու մասին» որոշումների հիման վրա:
0.8	Ռեսպոնդենտների (Սկզբնական տեղեկություններ և ներկայացնողների) ծանրաբեռնվածությունը	Ռեսպոնդենտների ծանրաբեռնվածություն չի հաշվարկվում:
1 Բովանդակություն		
1.1	Բովանդակության նկարագիրը	Հյուրանոցային տնտեսության օբյեկտները ընդգրկում են այն տվյալները, որոնք վերաբերվում են հյուրանոցային տնտեսության օբյեկտներում հաշվառված ներգնա, արտագնա և ներքին զբոսաշրջիկներին և այդ բնագավառում իրականացված զբոսաշրջային ծախսերին՝ արտացոլված ֆինանսական ընդհանրացված ցուցանիշներով:
1.2	Վիճակագրական հասկացություններ	<u>Զբոսաշրջիկը</u> ըստ ՄԱԿ-ի զբոսաշրջության համաշխարհային կազմակերպության մեթոդաբանության (ՁՀԿ) համարվում է ցանկացած անձ, ով հանգստանալու, բուժվելու, հարազատներին այցելելու, գործնական, կրոնական կամ այլ նպատակներով ճանապարհորդում է իր մշտական բնակության վայրից մեկ այլ վայր ոչ պակաս քան 24 ժամ և ոչ ավել քան անընդմեջ 1 տարի ժամանակով: Այսինքն՝ նրա հիմնական նպատակը ճանապարհորդելն է, այլ ոչ թե աշխատանքային գործունեությամբ զբաղվելը, որի դեպքում ուղևորության համար վճարումները կկատարվեին ժամանած վայրում աշխատանքային գործունեությունից ստացված ֆինանսական միջոցների հաշվին: <u>Մշտական բնակության վայրը</u> դա այն աշխարհագրական տարածքն է, որտեղ անձը բնակվում է մշտապես: <u>ՀՀ ռեզիդենտ</u> . Ըստ ԱՄՀ վճարային հաշվեկշռի կազմման մեթոդաբանության, ՀՀ ռեզիդենտ է համարվում այն ֆիզիկական անձը, տնային տնտեսությունը, իրավաբանական անձը կամ ՀՀ տարածքում գործող որևէ

		<p>տնտեսավարող սուբյեկտ, որի մշտական գտնվելու վայրը (ֆիզիկական անձանց համար բնակության վայրը) կամ տնտեսական շահերի կենտրոնը (ֆիզիկական անձանց համար՝ կենսական շահերի կենտրոնը) հանդիսանում է ՀՀ-ն: Ներգնա և արտագնա զբոսաշրջության վիճակագրության տեսակետով, եթե անձն անընդմեջ՝ 1 տարուց ավել ապրել և աշխատել է մեկ այլ երկրում, որն իր մշտական բնակության վայրի երկիրը չէ, դառնում է տվյալ երկրի ռեզիդենտ և նրա հետագա այցելությունը մշտական բնակության վայրի երկիր առնչվում է միջազգային զբոսաշրջությանը:</p> <p><u>Հյուրանոցային տնտեսության օբյեկտները</u></p> <p>դասակարգվում են ըստ հետևյալ տեսակների.</p> <ol style="list-style-type: none"> 1) հյուրանոցները հյուրանոցային տնտեսության այն օբյեկտներն են, որտեղ մատուցվում են հյուրանոցային ծառայություններ մեկ կամ մի քանի շինություններում, որոնք ունեն առնվազն 10 սենյակ, որոնցից առնվազն 5-ը՝ մեկ կամ երկտեղանոց համարներով: 2) մոթելները հյուրանոցային տնտեսության այն օբյեկտն է, որը գտնվում է ճանապարհների հարևանությամբ, բաղկացած է մեկ կամ մի քանի շինություններից կամ կազմում է որևէ շինության մաս, որն ունի առնվազն 10 հյուրանոցային համար որոնցից առնվազն 5-ը՝ մեկ կամ երկտեղանոց համարներով: Մոթելում մատուցվում են նաև ավտոմեքենաների կայանման և տեխնիկական սպասարկման ծառայություններ: 3) հյուրանոցատիպ հանգրվանները հյուրանոցային տնտեսության այն օբյեկտներն են, որտեղ մատուցվում են հյուրանոցային ծառայություններ մեկ կամ մի քանի շինություններում եւ ունեն առնվազն 5 սենյակ: 4) առողջարանները հյուրանոցային
--	--	--

		<p>տնտեսության այն օբյեկտներն են, որտեղ, բացի հյուրանոցային ծառայություններից, մատուցվում է նաև հատուկ կարգի սպասարկում, այդ թվում՝ առողջարանային, բուժական եւ վերականգնողական:</p> <p>5) հանգստյան և մասնագիտացված ճամբարները կամ տները հյուրանոցային տնտեսության այն օբյեկտներն են, որտեղ մատուցվում են հյուրանոցային ծառայություններ շինության կամ դրան հարակից տարածքներում որոշակի մասնագիտական գործունեություն (հնագիտական, գյուղատնտեսական, բնապահպանական, սկաուտական, մարզական, որսորդական, ձկնորսական, լեռնամագլցման, ալպինիստական եւ այլն) վարող անձանց:</p> <p>6) պանսիոնները հյուրանոցային տնտեսության այն օբյեկտներն են, որտեղ, ի լրումն նվազագույն հյուրանոցային ծառայությունների, օրական առնվազն 3 անգամ կազմակերպվում եւ մատուցվում են սննդի ծառայություններ:</p> <p>7) զբոսաշրջային բնակատեղիները (համալիրները՝ հոսթելները) հյուրանոցային տնտեսության այն օբյեկտներն են, որտեղ մատուցվում են զբոսաշրջիկների կացության հետ կապված ծառայություններ, տրամադրվում են ինքնասպասարկման հնարավորություններ, եւ որոնք ունեն գիշերելու համար առնվազն 20 ննջատեղ:</p> <p>8) մանկապատանեկան բնակատեղիները (համալիրները) այն զբոսաշրջային բնակատեղիներն են, որոնք նախատեսված են դպրոցահասակ զբոսաշրջիկների</p>
--	--	---

		<p>համար:</p> <p>9) ճամբարային բնակատեղիները (համալիրները) հյուրանոցային տնտեսության այն օբյեկտներն են, որտեղ մատուցվում են վրաններով գիշերակացի, սննդի պատրաստման եւ տրանսպորտի կայանման ծառայություններ:</p> <p>10) զբոսաշրջային տները հյուրանոցային տնտեսության այն օբյեկտներն են, որտեղ մեկ շենքի կամ բնակարանի տարածքում տրամադրվում է գիշերակացի ծառայություն, ինչպես նաև կազմակերպվում եւ մատուցվում են սննդի ծառայություններ:</p>
2 Ժամանակայնություն		
2.1	Հաշվետու ժամանակահատվածը	Եռամսյակային
2.2	Հրապարակման ամսաթիվը	Հյուրանոցային տնտեսության օբյեկտներում հաշվառված զբոսաշրջության վերաբերյալ ստացվող տվյալները հրապարակվում են հաշվետու ժամանակաշրջանին հաջորդող ամսվա 25-ը:
2.3	Ճշտապահություն	Տվյալները հրապարակվում են տարեկան ծրագրերով հրապարակման ժամանակացույցին համապատասխան և սահմանված ժամկետներից ուշացումներ չեն արձանագրվել:
2.4	Հաճախականությունը	Եռամսյակային
3 Ճշգրտություն		
3.1	Ընդհանուր ճշգրտություն	<p>Ընդհանուր ճշգրտությանն առնչվող կոնկրետ քանակական չափումներ չեն իրականացվում:</p> <p>Հետազոտությունը գլխավորապես հիմնված է իրավաբանական անձանց համատարած դիտարկումների վրա: Հետազոտության մեջ տնտեսվարող սուբյեկտների ընդգրկումը և դրանց կողմից վիճակագրական տեղեկությունների պարտադիր տրամադրումն ամրագրված է վիճակագրության ոլորտը կարգավորող իրավական փաստաթղթերում:</p> <p>Պատասխանների մակարդակը մոտ 98% է:</p>
3.2	Անճշտության աղբյուրները	Տվյալների հավաքումն իրականացվում է բիզնես ռեգիստրի արդիականացված բազայից վերցված

		<p>համապատասխան գործունեությամբ զբաղվող իրավաբանական անձանց ցանկի հիման վրա, ընդ որում տեղեկատվությունը հավաքվում է համատարած:</p> <p>Մահմանված ժամկետից ուշ ներկայացված տվյալները ներառվում են հաջորդ հրապարակման աճողական տվյալների մեջ:</p>
3.3	Ճշգրտության չափումները/ չափելիությունը	<p>Ընթացիկ տարվա հաշվետու ժամանակահատվածում կազմակերպությունների կողմից ներկայացված տվյալների ճշգրտությունը իրականացվում է նախորդ տարվա նույն ժամանակաշրջանի համար ներկայացված համապատասխան տվյալների հետ համադրման միջոցով:</p>
4 Համադրելիություն		
4.1	Ժամանակագրական համադրելիություն	Առկա չէ
4.2	Համադրելիությունն այլ վիճակագրության հետ	Առկա չէ
4.3	Նախնական և վերջնական վիճակագրության միջև փոխկապվածությունը	<p>Հրապարակված տվյալներն որակվում են վերջնական: Տնտեսավարող սուբյեկտների կողմից հաշվետվությունները ուշացումով ներկայացնելու դեպքում դրանք ներառվում են հաջորդ եռամսյակի աճողական տվյալներում:</p>
5 Մասշեղիություն		
5.1	Տարածման ձևաչափ	<p>Հրապարակումներ Եռամսյակային հրապարակումներ «Հայաստանի Հանրապետության սոցիալ-տնտեսական վիճակը» տեղեկատվական ամսական զեկույց (հայերեն և ռուսերեն): Տարեկան հրապարակումներ «Հայաստանի վիճակագրական տարեգիրք» (հայերեն, ռուսերեն և անգլերեն): «Հայաստանի Հանրապետության մարզերը և Երևան քաղաքը թվերով» վիճակագրական ժողովածու (հայերեն և անգլերեն): «Հայաստանը թվերով» վիճակագրական ժողովածու (հայերեն և անգլերեն):</p> <p>Տվյալների բազա http://armstatbank.am/pxweb/hy/ArmStatBank/?rxid=602c2fcf-531f-4ed9-b9ad-42a1c546a1b6</p> <p>Ինտերնետային հասցե Հրապարակումների էլեկտրոնային տարբերակները</p>

		<p>հասանելի են հայերեն (ամբողջական), ռուսերեն և անգլերեն, հետևյալ հասցեներով: http://www.armstat.am/am/?nid=82:</p>
5.2	<p>Հիմնական նյութերը. Պահպանումն ու կիրառելիությունը</p>	<p>Ռեսպոնդենտներից հավաքվող վիճակագրական հաշվետվությունները պահպանվում են ինչպես թղթային, այնպես էլ էլեկտրոնային եղանակով: Էլեկտրոնային շտեմարանները ներառում են Իրավաբանական անձանց համար. ա/ իրավաբանական անձի ծածկագիրը բ/ պետական ռեգիստրում գրանցման համարը, գ/ իրավաբանական անձի լրիվ անվանումը, դ/ կազմակերպական-իրավական ձևը, ե/ իրավաբանական անձի գտնվելու վայրը (փոստային հասցեն), հեռախոսահամարը, ինչպես նաև հայեցողական կարգով՝ ֆաքսը և էլեկտրոնային փոստի հասցեն, թ/հյուրանոցային տնտեսության օբյեկտի տնօրենի անունը, ազգանունը:</p>
5.3	Փաստաթղթավորումը	<p>Առկա է տեղեկատվություն Ընդհանուր վիճակագրական բիզնես-գործընթացի մոդելի համաձայն հետևյալ հասցեով https://www.armstat.am/file/model/am/20.1.pdf:</p>
5.4	Այլ տեղեկատվություն	<p>Հյուրանոցային տնտեսության օբյեկտներում հաշվառված զբոսաշրջիկների վերաբերյալ ցուցանիշների հաշվարկման առավել մանրամասն տեղեկատվությունը ներկայացված է ՀՀ վիճակագրության պետական խորհրդի 2018թ. նոյեմբերի 30-ի «Ներգնա և ներքին զբոսաշրջության մասին» Ձև թիվ 1-Զբոսաշրջություն (եռամսյակային) վիճակագրական հաշվետվության ձևը և լրացման հրահանգը հաստատելու մասին թիվ 78-Ն որոշմամբ:</p>
6 Լրացուցիչ փաստաթղթավորում		
		Լրացուցիչ փաստաթղթավորում առկա չեն: